



Communicaziun a las medias

La plattafurma naziunala TANDEMs linguistics® datti uss era per rumantsch!

<https://e-tandem.ch>

Bienna e Cuira, ils 29 d'avrigl 2021. Sin la plattafurma electronica *TANDEMs linguistics* èn a partir d'immediat represchentadas tut las linguas naziunalas svizras. Grazia al sustegn da la *Lia Rumantscha* n'è la plattafurma ussa betg pli disponibla mo en tudestg, franzos, talian ed anglais, mabain er en rumantsch. La lingua rumantscha daventa uschia pli visibla ed accessibla.

In pèr emnas suenter ch'ins ha lantschà l'emprima Emna internaziunala da la lingua rumantscha è il rumantsch vegnì agiuntà a la glista da las linguas offertas sin la plattafurma TANDEMs linguistics® messa en pe dal Forum da la bilinguitad.

L'intent da la plattafurma è da promover la chapientscha en Svizra. Quai fa ella cun dar la pussaivladad a mintgamai duas personas d'instruir l'atgna lingua ed emprender quella da la partenaria u dal partenari. Tschintg onns suenter che la plattafurma è vegnida lantschada dastga ella sa legrar da ses success constant. Per tut las linguas che stattan a disposiziun èn sa registrads 3222 utilisadras ed utilisaders!

25 onns lingua parzialmain uffiziala

En connex cun il giubileum da 25 onns rumantsch sco lingua parzialmain uffiziala da la Confederaziun è la porschida vegnida amplifitgada cun rumantsch. Malgrà gronds progress en la promoziun ha il rumantsch anc adina in status marginal sin plaun federal en l'infurmaziun plurilingua u la communicaziun cun la populaziun rumantscha.

Il tandem rumantschs sin la plattafurma vegnan era promovids en il rom dals curs da lingua da la *Lia Rumantscha*.

La maioritad dals profils registrads porscha in barat en franzos u tudestg/tudestg svizzer, suenter suondan anglais e talian. Consequentmain vegn discurrì en ils blers tandems tudestg e franzos en barat cun anglais, spagnol, talian u russ. Ils ulteriurs pèrs communitgeschan per regla en ina lingua naziunala svizra ed ina lingua dal spazi europeic u dad auters continents.

La porschida sa drizza principalmain a personas maiorennas che vivan en Svizra. Cunquai ch'ella vul promover la chapientscha da la lingua discurrida en Svizra, è ella gratuita.



Communicaziun a las medias

Co funcziunan ils TANDEMs linguistics?

Per restar viva sto ina lingua vegnir discurreda! I n'è però betg adina simpel da chattar persunas da lingua materna ch'èn prontas per in barat. Per satisfar a quest basegn ha il Forum da la bilinguitad endrizzà il 2016 ina plattafurma electronica naziunala per pussibilitar a persunas che vulan meglierar lur cumpetenzas da discurren in'otra lingua d'entrar en contact ina cun l'otra.

La plattafurma sa basa sin l'experientscha ch'il Forum da la bilinguitad ha rimnà ils ultims ventg onns cun la metoda (gratuita) dals TANDEMs linguistics. La metoda avra in nov orizzont per emprender linguas: previsa per cumpletar curs da lingua tradiziunals, sa concentrescha ella sin la communicaziun a bucca da duas partenarias u dus partenaris. Duas persunas da differentas linguas maternas furman in TANDEM linguistic® per instruir l'atgna lingua ed emprender quella da la partenaria u dal partenari. Uschia na megliereschan las participantas ed ils participants betg mo las cumpetenzas linguisticas, mabain emprendan d'enconuscher era particularitads culturalas. Suenten avair exercità regularmain almain ina giada l'emna ca. 1 ura e tut tenor las finamiras definidas, èn ils resultats per regla bain visibels suenter 6 mais.

Contact:

Forum da la bilinguitad, Virginie Borel, directura – 078 661 89 75 – Minela Pulvirenti, manadra da projects – 032 323 22 80

E-mails: forum@zweisprachigkeit.ch / virginie.borel@zweisprachigkeit.ch / minela.pulvirenti@zweisprachigkeit.ch

Lia Rumantscha, Conradin Klaiss, manader Furmaziun – 076 263 17 47

E-mail: conradin.klaiss@rumantsch.ch